

Diakhaonto tsa selemo ka seng tsa Lekgetho la Khabone jwale di lokela ho leshwa

Tshwane, 9 Phupu 2021 – Diakhaonto tsa selemo ka seng tsa lekgetho la khabone tsa selemo sa lekgetho sa 2020, se qadileng ka la 1 Pherekong 2020 mme sa fela ka la 31 Tshitwe 2020, jwale di lokela ho leshwa.

Dinyehelo tsa ditsebahatso tsa akhaonto ya bolaodi ba meedi (EXD 180) mmoho le dihlophiso tsa yona mmoho le ditefo tse amehang tsa lekgetho la khabone di ka nyehelwa ka eFiling ho fihlela ka 15.00 ka la 29 Phupu.

Ho bapa le maikemisetso a rona a mawala a ho fana ka tlhakisetsa le netefaliso ya boitlamo ba lekgetho le ho nolofalisoa bohle ho ikobela tefo ya lekgetho, re hlalosa ditlhoko tsena tse latelang:

1. Molefalekgetho ya lefang lekgetho la khabone ke motho ofe kapa ofe ya etsang ketso e lefiswang lekgetho e angwang ke lekgetho la khabone ka lebaka la ho ba le taolo ya tshebetso hodima lepatlelo le ntshang meso moo tshebetso eo e etsahalang teng
2. Molefalekgetho e mong le e mong o tlameha ho ba le laesense e momahaneng bakeng sa meso ka bobedi e lepatlelong la hae la tlhahiso ya polokelo ya bolaodi ba meedi ka lebaka la ho hlalisoa ha meso ena e angwang ke lekgetho lena la khabone. Dikopo tsa laesense di tlameha ho tlatswa foromong ya DA185 le sehlomathisong sa DA185.4B2. Sena se tlameha ho nyehelwa mmoho le ditokomane tsa tshehetso ho *SARS Excise Registration and Licensing Hub* mane ofising e lekaleng la Alberton
3. Beng bohle ba dilaesense tsa polokelo ya bolaodi ba meedi tse hlalisoang meso ena e angwang ke lekgetho lena la khabone ba tlameha ho fana ka diakhaonto tsa bona tsa EXD 180, mmoho le ditefo tsa bona tsa sekoloto sa lekgetho la khabone, bakeng sa nako ya lekgetho ya 2020 kapa karolo efe kapa efe ya yona
4. Beng ba dilaesense ba tsebahatsang meso ya bona ho latela dintlha tsa karolo ya 4(1) ya Molao wa Lekgetho la Khabone, 2019, ba lokela ho ela hloko hore dikgeo tse amehang tsa diakhaonto tsa bona tsa EXD 180 di ka nna tsa ba le lesedi le seng le kentswe le mabapi le dipalo tsa meso e ileng ya tlalehwa tlasa se bitswang *National Greenhouse Gas Emission Reporting Regulations* tsa Lefapha la Tikoloho, Meru le Botshwasi ba Ditlhapi. Beng ba dilaesense ba hananang le dipalo tse seng di kentswe tsa meso mme ba ikgethela ho kenya tse ding ba tla lokela hore ba fane ka mabaka e ditsebahatso tsena tse ding tsa meso

5. Beng ba dilaesense ba indasteri ya petroliamo ba lokela ho hlokomela tokisobotjha e kgutlisong ya EXD 180 bakeng sa tshebetso ya palo ya dilevi tsohle tse lokelang ho leshwa mabapi le tlhahiso ya petrole ke bohlahisi ba petroliamo ka nako ya lekgetho. Ho fumana dintlha tse ding, ka kopo sheba karolo e amehang ya *C.2 Calculation of Net Levy Payable in the Completion Notes to the account*. Ka kopo hlokomela hore Dintlha tsa ho Tlatsa di rwalletswe mmoho le akhaonto ya jwale ya lekgetho la khabone ya *DA 180 Front Page* kgokanyong e bitswang "Find-a-Form" mane websaeteng ya SARS <https://www.sars.gov.za/da-180-environmental-levy-account-for-carbon-tax-external-form/>
6. Ha re phethela, nako ya dilaesense tsa bolaodi ba meedi tsa dipolokelo tsa tlhahiso ya mesi tse angwang ke lekgetho la khabone ke ho tloha ka la 31 Tshitwe 2021 mme ka mora moo ka la 31 Tshitwe ka selemo se hlahlamang. Beng ba dilaesense bohle ba jwalo ba tlameha hore selemo le selemo ba etse dikopo tsa ho ntjhafatsa dilaesense tsa bona ka la kapa pele ho la 31 Tshitwe selemo ka seng, ho tloha ka 2021, ka ho fana ka foromo e ntjhafaditsweng bakeng sa ho fumana laesense (DA185 mmoho le sehlomathiso sa yona DA185.4B2) mmoho le ditokomane tse hlokehang tsa tshehetso ho *SARS Excise Registration and Licensing Hub* mane ofising e lekaleng la Alberton.

Lesedi le fetang lena

Ho fumana lesedi le fetang lena, ka kopo etela websaete ya SARS ho www.sars.gov.za